

雲南通志



雲南通志



雨

南

通

北

一九八八年四月江蘇廣陵
古籍刻印社據乾隆元年刻
本影印原書版框高二十二
厘米寬三十三厘米

勅諭纂修雲南省志成稿謹奉
臣等謹將雲南省志纂修完竣恭摺仰祈聖鑒事

題爲纂修雲南省志成稿謹奉

表恭

進者

臣

等誠惶誠恐稽首頓首

上言

伏以

聖治覃敷萬國慶車書之會

帝光遠被八方騰奎壁之輝

採志乘於遐陬遍覽民風土俗

集圖書於祕府彙成寶錄瑤函蓋功德既邁帝而超王

則著述宜信今而傳後求誌方輿之勝幸彰遠大之
模謹輯新編恭呈

御覽竊惟南交昧谷宅平秩於堯封黑水梁州奏隨刊於
禹貢產里來王景毫濮人大會孟津雖屬僻處之邊
隅久載古來之簡策迨楚蹠略地而後漢武置郡以
還風氣漸開載籍略備書傳益部昉自東京記號南
中等諸逸史樊綽之屬辭紀事李京之問俗辨方皆
隨漁獵爲見聞僅存什一於千百卽包劉合撰亦多
前後牴牾楊李遺篇未免參差缺略欣逢

盛世著有成書事旣信而足徵詞皆典而可則然歷年

已久增郡亦多治與道同政因俗易凡山川疆域之
勢經畫規制之詳必考訂之無訛庶參稽之有藉仰
惟我

世宗憲皇帝

德合兩儀

智周萬物

聲名施及蠻貊存神過化基治平於億萬斯年

覆載莫不尊親異俗殊方頌懷柔者千八百國卉衣椎結
之衆咸被服乎詩書刀耕火種之鄉胥咏歌夫樂利
千羽列虞廷之舞梯航繪周室之圖

特沛綸音增修省志是用尅期開局因而棗部分編次第成
書叅詳授梓欽惟我

皇上

學本性成

聖由天縱

纘丕顯丕承之緒仁風披拂咸歌至治馨香

迂浸昌寢熾之庥化日舒長共慶太和翔洽當

聖德維新之日適滇志告成之時體裁原本於舊函事蹟

博稽夫羣論藝文首

宸翰倬雲漢以爲章制作紀

皇謨與日星而竝麗列輿圖以便觀覽記經費以謹度支著
水利以重農功核積貯以裕

國計略於前志增在今編至於山川賦役人物秩官悉
綱舉而目從亦門分而類別紀地則蒙蕃交緬壤接
六詔之區占星則井鬼參狼野分兩迤之域問南方
之珍異百昌暢茂寧僅蒟醬橦花遵王路之蕩平九
折坦夷非復蛇盤賴水安內攘外尤謹兵防展土籌
邊先詳建置收軼事於九隆十賧疆戎索於六慰三
宣總三十卷朗若列眉舉數千里瞭如指掌旣開雕
以成帙敬裝繕而進

呈臣等學識空疎見聞寡陋生逢

景運喜一道而同風職任總裁敢遠稽而近考雖辨而不華質而不俚有愧著作之三長然言以足志文以足言勉竭芻蕘之一得伏願

柔遠能邇

彰往祭來

披圖成聚米之觀銅柱鐵橋輦河山於永固

展卷仰同文之治碧雞金馬瞻雲日於常新樂熙皞而頌昇平非徒慶土宇版章之盛沐生成而沾化育咸

永爲日用飲食之民矣臣等無任瞻

雲南通志修輯職名

總裁

少保都察院右都御史經略貴州等處兼理糧餉葉阿思哈番加二級奉襲臣鄂爾泰

李保都察院右都御史經略貴州等處兼理糧餉加二級紀錄臣高其倬

兵部尚書兼都察院右都御史總督雲南貴州等處地方軍務兼理糧餉加二級紀錄臣尹繼善

巡撫雲南兼建昌畢節等處地方管理軍務兼督川貴兵餉都察院右副都御史加二級紀錄臣張允隨

叅閱

提督雲南學政翰林院編修原任雲南道監察御史臣吳延熙

日講官起居注提督雲南學政翰林院侍讀加二級臣吳應枚

監修

雲南等處承宣布政使司布政使加六級降二級留任今陞刑部右侍郎臣葛森

雲南等處承宣布政使司布政使加一級紀錄一次臣陳弘謀

雲南等處提刑按察使司按察使加二級紀錄一次今陞貴州布政使臣馮光裕

雲南等處提刑按察使司按察使加三級紀錄五次臣徐嘉賓

提調

督理雲南民屯糧儲兼管水利道加二級又軍功加級紀錄一次今陞廣西按察使臣黃士傑

督理雲南分巡通省清軍驛傳鹽法道按察使司副使加一級紀錄一次臣張無咎

署理雲南分巡迤東道加一級紀錄二次臣王廷琬

雲南分巡迤西道按察使司副使加二級臣雷之瑜

董理

署雲南府印務開化府知府臣宮爾勸

雲南府知府臣儲之盤

纂修

翰林院庶吉士原署姚州知州臣靖道謨

分修

和曲州知州臣徐修仁

雲龍州知州臣徐本僊

平彝縣知縣今署劍川州知州臣高爲阜

原署江川縣知縣臣蔣敦淳

署平彝縣知縣臣李本滢

署 河 陽 縣 知 縣 臣 蔣 雯

原 任 貴 州 普 安 州 知 州 臣 金 顥

原 任 浙 江 遂 安 縣 知 縣 臣 何 其 偉

原 任 湖 廣 黃 安 縣 知 縣 臣 張 琛

臨 安 府 儒 學 教 授 臣 夏 冕

麗 江 府 儒 學 教 授 臣 萬 咸 燕

署 鶴 慶 府 儒 學 教 授 臣 趙 淳

羅 次 縣 儒 學 訓 導 臣 李 可 栻

江 南 宣 城 縣 生 員 臣 梅 瑒 成

校對

署 富 民 縣 知 縣 臣 尹祖伊

學 習 進 士 臣 李作梅

元 江 府 儒 學 教 授 臣 楊 薰

宜 良 縣 儒 學 教 諭 臣 程雲路

易 門 縣 舉 人 臣 趙正紀

尋 甸 州 舉 人 臣 余其祥

通 海 縣 舉 人 臣 董繼舒

姚 安 府 經 歷 臣 徐起元

監刻

原 署 江 川 縣 知 縣 臣 蔣敦淳

學

習

進

士

臣李作梅

姚

安

府

經

歷

臣徐起元